


Baibulo ya ana  
Ikupasilani



Samsoni,  
Munthu  
Wamphamvu  
ya Mulungu



Yolembedwa ndi: Edward Hughes

Yojambulidwa ndi: Janie Forest  
Alastair Paterson

Yotengedwa ndi: Lyn Doerksen

Yotathauzidwa ndi: Tapiwa Maraira

Yo pangidwa ndi: Bible for Children  
[www.M1914.org](http://www.M1914.org)

©2022 Bible for Children, Inc.

Chilolezo: Muli ndi ufulu wotenga ndi kuchurukitsa  
makopewa koma osagulitsa.




Kalekale, m'dziko la Isiraeli munali munthu wina dzina lake Manowa. Iye ndi mkazi wake analibe ana. Tsiku lina Mngelo wa Yehova anaonekera kwa Mayi Manowa. "Udzakhala ndi mwana wapadera kwambiri," Iye anatero.




Iye anauza mwamuna wake nkhani yosangalatsayi.  
Manowa anapemphera kuti, "O Ambuye, bweraninso  
kwa ife."





Mngeloyo anauza Manowa kuti mwanayo asamete tsitsi lake, asamamwe mowa, ndiponso asadye chakudya chilichonse. Mulungu anali atasankha mwana ameneyu kuti akhale woweruza. Iye akanatsogolera Israeli.






Anthu a Mulungu  
anafunikiradi thandizo.

Anasiya Mulungu pa moyo wawo,  
ndipo kenako anazunzidwa ndi adani awo, Afilisti.  
Koma pamene iwo ankapemphera Mulungu anamva.  
Anatumiza mwana ameneyu amene adzakhale  
munthu wamphamvu kwambiri padziko lonse.





Ndipo mkaziyo  
anabala mwana  
wamwamuna,  
namutcha dzina lake  
Samsoni: ndipo  
mwanayo anakula,  
ndipo Yehova  
anamdalitsa iye.  
Samsoni anakhala  
wamphamvu kwambiri.  
Tsiku lina anamenyana  
ndi mkango ndi manja  
ake - ndipo anamupha!





Kenako, Samsoni analawa uchi  
wa njuchi zimene zinabisala m'thupi  
la mkangowo. Iye anapeka mwambi:  
"Mwa wakudya munatuluka chakudya, Ndipo  
mwa wamphamvu mudatuluka chotsekemera."









Palibe amene akanatha  
kuganiza tanthauzo lake - koma  
mkazi watsopano wa Samsoni,  
Mfilisti, anauza anzake. Zimenezi  
zinakwiyitsa kwambiri Samsoni.




Samsoni anakwiya kwambiri pamene Afilisti  
anapereka mkazi wake kuti akhale mkazi wa bwenzi  
lake lapamtima. Anakonza zobwezera. Koma bwanji?  
Choyamba, Samsoni anagwira nkhandwe 300. Kenako  
anamanga michira yawo iwiri  
iwiri n'kuika  
michira  
yamoto  
pakati pawo.




Kenako Samsoni anatulutsa nkhandwezo m'minda ya  
tirigu ya Afilisti!



Tsopano Afilisti anafuna kubwezera. Samsoni analola kugwidwa, namangidwa ndi kuperekedwa kuti aphedwe ndi Afilisti.



Koma mzimu wa Yehova  
unakhala pa Samsoni. + Iye  
anathyola zingwezo n'kutenga  
fupa la nsagwada za bulu  
wakufayo, n'kupha adani 1,000.




Afilisti akusakasaka Samisoni. Tsiku lina usiku,  
anamutsekera mumzinda ndipo anatseka zipata za  
mzindawo. Koma Samsoni anatuluka - atanyamula  
zipata za mzindawo pamapewa ake!




Koma Samsoni analephera Mulungu. Mulungu  
anamupatsa mphamvu malinga ngati ankamvera.  
Tsiku lina, Samsoni anafotokozera  
chinsinsi cha mphamvu zake ndi  
Delila, kazitape wokongola  
wachifilisti. Iye anameta  
munthu wina tsitsi  
la Samsoni pamene  
iye anali mtulo.






Kenako asilikali  
achifilisiti anaukira  
Samsoni m'chipinda  
chogona cha Delila.  
Samsoni anamenya  
nkhondo molimbika,  
koma mphamvu  
zake zinatha.









Adani ake  
am'kolowola maso.  
Samsoni anali  
wakhungu ndi  
wofooka ndipo  
anakhala kapolo  
wa Afilisti.  
Anaseka ndi  
kunyoza mtumiki  
wa Mulungu.

Afilisti anali ndi phwando. Iwo anatamanda mulungu wawo wa nsomba, Dagoni, chifukwa chopereka Samsoni m'manja mwawo. Iwo ankamwa ndi kusangalala m'kachisi wa Dagoni. Kenako anaitana Samsoni kuti awaimbire.




Mnyamata wina anabweretsa Samsoni,  
namlola kutsamira pa mizati imene inali pamwamba  
pa kachisi. Patsindwi panali Afilisti 3,000, ndipo

enanso ambiri  
m'kachisimo,  
Onse  
akumunyoza.



Koma tsitsi la Samsoni linali litayamba  
kumera m'ndendemo. Ndipo anapemphera, nati,  
Yehova Mulungu, ndilimbikitseni kamodzi kokha, kuti

Ndibwezere  
cilango  
ca maso  
anga awiri.



Kodi Mulungu akanapatsanso mphamvu  
Samsoni? Kodi Samsoni angachite  
zosatheka? INDE! INDE!  
Polimbikira ndi kugwedezeke,  
Samsoni anapatutsa zipilala  
zamphamvuzo. Kachisi  
wa Dagoni anagwa,  
napha Afilisti  
zikwizikwi - ndi  
Samisoni!



Samsoni, Munthu Wamphamvu ya Mulungu

Nthano yochokera mu mau a Mulungu,  
Baibulo,

opezeka mu

Oweruza 13-16

"Polowela pa mau anu pamapasa kuwala."  
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!  
Johane 3:16

